



## ઉપકારીના ઉપકાર

—શ્રી ચંદુભા રતનસિંહજી જાડેજી

દિક્ષા દક્ષ કરી, અભય ન કરી, ભક્ષાથ ભિક્ષા કરી;  
શિક્ષા શિક્ષક થો કરી, ક્ષણે ક્ષણે જીવેજી રક્ષા કરી,  
લક્ષી આત્મલક્ષ, લક્ષ્યજી લખે તેજી અપેક્ષા કરી;  
પક્ષાપક્ષ ત્રિપક્ષીથી ન કરીએ, ત્યાગી તિતિક્ષા કરી.

[ઉદ્યતમ્]

ભુજંગ નગર કચ્છ ભુજજી ભાઝાર અજ શણગારેમે આવઈ આય, માડુંએજી અચ-વિન પણ ભોરી દીઠે મેં અચેતી. કીંક ખુશાલી જેડો લગે.

કારણ ઇં આય કે, અજ યુગપ્રધાન આચાર્ય થી કલ્યાણસાગરસૂરીશ્વરજી શિષ્ય સમુદાય સેં ચાતુર્માસ પ્રવેશ કરેલા ભુજ નગરમેં પધારીતા, તેંજે સામૈયેજી તૈયારી થીએતી.

હી શાહી સામૈયો વો. કચ્છાધિપતિ ગચ્છાધિપતિજે રાજાશાહી સન્માન કરેજી તમામ સત્તા અજ શ્રી ભુજ જૈન સંઘ અને શ્રી ધારશીમાઈ વોરાકે સોંપી પાટનગરમેં આચાર્ય ભગવંતકે પ્રવેશ કરાયો.

સમય વો રાવશ્રી પહેલા ભારમલજીજે. સંવત ૧૬૪૨ થી ૧૬૮૮ અનીંજે શાસનકાળ.

શ્રી કલ્યાણસાગરસૂરીશ્વરજી વિ. સં. ૧૬૪૯ મેં આચાર્યપદેં વિભૂષિત થયા, અને સં. ૧૬૫૪ મેં ભુજ નગરમેં ચાતુર્માસ કયાં. ઓન વખત રાવશ્રી ભારમલજી આચાર્યશ્રીજે પ્રથમ પરિચયમેં આવ્યા. પટ્ટાવલીકાર નિમ્નોક્ત પ્રસંગ નોંધીએંતા :

રાવશ્રી ભારમલજી વાજે અસાધ્ય રોગજી લોગ ખની પીડાખા વા. ઔષધ-ઉપચાર મેં કીં ખામી ન રખ્યોં, પણ વેદનીય કમંજે કોય એડો ઉદય થયો, જેસે કરે દરદ ન મટયો. યુગપ્રધાન આચાર્યશ્રી મહાન પ્રભાવશાળી મહાપુરુષ અંઈ, એડા સમાચાર સુણી રાવશ્રી ઇનીંજી રાજમહેલમેં પધરામણી કરાયો અને પીંઠજી વેદના વ્યકત કયોં.



શ્રી આર્ય કલ્યાણ ગૌતમ સ્મૃતિ ગ્રંથ



કચ્છપતિજી વચન અને વિનંતિ સુણી સમર્થ આચાર્ય કુચ્છયા :

પીંઢ જા કચા પીંઢ ભોગવે, પુદ્ગલ પીંઢ ભનાય;

ભવાટવીમેં ભટકે, હથેં કરે પ્યો હાય.

કર્મેજો અટલ સિદ્ધાંતકે આચાર્યશ્રી સાફ શબ્દ મેં સુણાય ડીનાં.

રાવશ્રી પ્રાર્થના કયો : ‘રાજવંશ મથે આંજે અંચલગચ્છજે મહાન ઉપકાર આય. આંજે અહેસાન નીચાં અંધયું. મુજા પિતા રાવશ્રી ખેંગારજી અને કાકાશ્રી સાહેબજી કરમજી કઠણાઈજે કારણે કચ્છ છડી અંગરક્ષક ભેરા અમદાવાદ વ્યાપે, તડે મોરબી વટે દહીંસરા ગામજે તરાજી પાર મથે અંચલગચ્છીય ચતિરાજ માણિકમેરજી આશીર્વાદ દઈને હીકડી સાંગ અર્પણ કયાં. ઉન પ્રતાપસેં અસાંજા માઈતર ‘કચ્છ કમાણાં’ અને રાજગાદી સ્થાપ્યોં. હી અસાધારણ કીં ભુલાને ? ભૂતકાળજી ભલાઈ કે નધ કરાયો.’

‘સોરઠ વંથલી જૈન પરિષદ-પ્રતિષ્ઠા મહોત્સવ’ મેં મહાકવિ ન્હાનાલાલભાઈ શ્યાં :  
 ‘વનરાજ આવડેકે શીલગુણસૂરિને આશ્રય ન મિલ્યો વો, ત ગુજરાતમેં સોલંકી રાજ  
 પણ ન થાપાળે. મહારાજ કુમારપાળ અને હેમચંદ્રાચાર્યને સંપર્ક અજ પણ ગુજરાતજે  
 ઇતિહાસમેં પ્રસિદ્ધ આય. પૂજ્ય માણેકમેરજીને આશ્રય રાવ ખેંગારજીકે ન મિલે, ત  
 કચ્છને ઇતિહાસ જુદો જ લખાણ વ્યો વો.’

શ્રી કલ્યાણસાગરસૂરીશ્વરજી ધર્મ પ્રભાવનાજી નજર રખી મંત્ર-શક્તિસેં રાવશ્રી ભારમલજીને રોગ મિટાયોં, તેર રાજ અને રાજકુટુંબમેં આનાંદજો પાર ન રચો. રાવશ્રી ખુશી થઈને ૧૦૦૦ સુવર્ણમુદ્રા ગુરુચરણમેં રખ્યોં. રાજરાણીયું ગુરુદેવકે સચે મોતીસેં વધાયોં. પણ નિઃસ્પહી, નિર્ગંથ મુનિ સોનામહોરેંકે છુવેં પણ કીં ? ‘ધરમજો કમમેં ઈનજો ઉપયોગ કળ’ ઈ આજ્ઞા કરેને આચાર્યશ્રી ઉપાશ્રયમેં પધારી આયા.

રાજમહેલમેં જિન પાટ મથે આચાર્ય લગવંત બિરાજમાન થયા વા, ઈ પાટ ગુરુ-  
દેવજો આસન ચોવાજો. ઉન મથે બે કોયનું પણુ ન વ્યાજો. તેલાંચ કરે હી પાટ ઉપાશ્રયમેં  
બક્ષિસ કરે મેં આવઈ. અંચલગચ્છ ઉપાશ્રય મેં હી પાટ અજ પણુ મોજુદ આય.

સમર્થ આચાર્યશ્રી કટ્યાણસાગરસૂરિજી સત્સંગ-સહવાસે કરેને રાવ ભારમલજીન ધર્મજી ઉદાત્ત સિદ્ધાંત પીઢજી જીવનમેં અપનાયાં. માંસાહાર જો પ્રત્યાખાન કયોં અને વધારેમેં પર્યુષણ (અકૂઠધર) મેં અકૂઠિં સુધી ‘અમારિ પહો’ – જીવહિંસા બંધ કરેજો રાજ્ય તરફથી ફરમાન કરેમેં આયો. વળી, ભુજમેં રાજવિહાર નાલે હીકડો જિનાલય બંધાયમેં આયો.

